

Broj: 05-02-2-296/2022
Sarajevo, 22.06.2022. godine

FEDERACIJA BOSNE I HERCEGOVINE
PARLAMENT FEDERACIJE BIH
PREDSTAVNIČKI DOM
n/r sekretara, Ivan Miličević

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 23-06-2022			
Org. jed.	Broj	Priloga	Vrijednost
01-	02-	1264	/22

PREDMET: Odgovor na inicijativu Kluba zastupnika DF-a, dostavlja se
VEZA: - akt Vlade Federacije Bosne i Hercegovine broj: 03-04-778/22 od
15.06.2020. god.;
- akt Predstavničkog doma Parlamenta Federacije Bosne i Hercegovine
broj: 01-02-1264/22 od 13.06.2020. god.

Federalna uprava civilne zaštite (u daljem tekstu: FUCZ) je preko Vlade Federacije Bosne i Hercegovine zaprimila Inicijativu zastupnika Demokratske fronte u Predstavničkom domu i Domu naroda Parlamenta Federacije Bosne i Hercegovine, broj i datum navedeni u vezi, pokrenutu na osnovu člana 11. Poslovnika o radu Predstavničkog doma naroda Parlamenta Federacije Bosne i Hercegovine, a kojom se od Vlade Federacije Bosne i Hercegovine traži „da izdvoji finansijska sredstva za podršku općinama ZDK i TK (Tešanj i Čelić) koje su pogođene razorim poplavama 10.06.2022. godine tokom kojih su im nanesene velike materijalne štete“. Takođe se poziva Vlada Federacije Bosne i Hercegovine „da hitno djeluje na način opredjeljivanja sredstava iz federalnog Budžeta za sanaciju posljedica razornih poplava čime bi se stvorili uslovi za bržu normalizaciju života građana u pogođenim općinama“.

Vezano za nadležnost FUCZ i Federalne komisije za procjenu štete, kao radnog tijela Vlade Federacije Bosne i Hercegovine koje prati, usmjerava i vrši nadzor nad radom kantonalnih, odnosno općinskih/gradskih komisija za procjenu štete, obavještavamo Vas da su **Odlukom o postupku i kriterijima za dodjelu jednokratne novčane pomoći općinama i kantonima za otklanjanje šteta nastalih od prirodnih i drugih nesreća** ("Službene novine Federacije BiH", br. 60/06, 8/10 i 21/14 u daljem tekstu: Odluka) **regulisana sva pitanja koja se odnose na rokove, uslove i postupak traženja i dodjele jednokratne novčane pomoći općinama i kantonima od strane Federacije Bosne i Hercegovine za štete koje nastanu djelovanjem prirodne i druge nesreće.**

Odredbom tačke IV stav 2. Odluke, utvrđeni su uslovi kada se pomoć može tražiti iz sredstava Federacije Bosne i Hercegovine, te je određena i procedura za podnošenje zahtjeva za dodjelu jednokratne pomoći za hitne intervencije i za dodjelu jednokratne pomoći za saniranje šteta. Zahtjevom općina prvo traži pomoć od vlade kantona, pa ako vlada kantona nije u mogućnosti iz sredstava kantona udovoljiti zahtjevu općine ili je dodijelila samo dio tražene pomoći, u tom slučaju vlada kantona zahtjev općine dostavlja Vladi Federacije BiH, odnosno Federalnom štabu civilne zaštite putem Federalne uprave civilne zaštite, koja taj zahtjev dostavlja Federalnoj

komisiji za procjenu štete na nadležni postupak, a koji se provodi na način predviđen navedenom Odlukom.

Naime, štete koje nastanu djelovanjem prirodne ili druge nesreće, evidentiraju i procjenjuju općinske komisije za procjenu štete u rokovima utvrđenim u Uredbi o jedinstvenoj metodologiji za procjenu šteta od prirodnih i drugih nesreća (Službene novine Federacije BiH", 75/04, 38/06, 52/09, 56/09 i 36/14).

Općinske komisije za procjenu štete općina Tešanj i Čelić će nakon izvršene procjene šteta na svim oštećenim i uništenim materijalnim dobrima, a na osnovu podnesene prijave o šteti koju u skladu sa članom 11. stav 6. Uredbe o izmjenama i dopunama Uredbe o jedinstvenoj metodologiji za procjenu šteta od prirodnih i drugih nesreća (Službene novine Federacije BiH", broj 52/09) službi civilne zaštite općine mogu podnijeti pravna lica, državni organi i građani koji su pretrpjeli određenu štetu, sačiniti zbirni izvještaj o procijenjenim štetama na svom području.

Isti se, nakon usvajanja od strane općinskog vijeća, zajedno sa zahtjevom za dodjelu jednokratne novčane pomoći, dostavlja Kantonalnoj komisiji za procjenu štete Zeničko-dobojskog kantona, odnosno Kantonalnoj komisiji za procjenu štete Tuzlanskog kantona, koje takođe provode proceduru propisanu prethodno navedenom Odlukom, te okončanjem iste zatraže dodjelu jednokratne novčane pomoći iz sredstava Federacije Bosne i Hercegovine.

S poštovanjem,

P. O. VLADE FEDERACIJE BIH
ŠEF ODSJEKA

Enes Memić



Dostaviti:

1. Naslovu,
2. Vlada Federacije Bosne i Hercegovine, na znanje,
3. Federalno ministarstvo finansija/financija, na znanje,
4. a/a